曾文正公嘉言鈔

附胡文忠公、左文襄公嘉言鈔



曾文正公嘉言鈔

附左文襄公嘉言鈔:	內 胡文忠公嘉言鈔:	△曾文正公嘉言鈔	梁任公序	
五八	五〇	六		

二全世界 之大人也 民 曾文正者,豈惟近代,蓋有史以來不一二覩之大人也已②豈惟我國 在立志自拔於流俗,而困、而知、而勉、而行,歷百千艱阻而不挫 德、立功、立言三並不朽,所成就震古鑠今而莫與京者,其一生得力 並時諸賢傑中稱最鈍拙,其所遭值事會,亦終身在拂逆之中,然乃立 抑全世界不一二覩之大人也已◎然而文正固非有超群絶倫之天才,在 ,帥之以誠,勇猛精進,堅苦卓絶,如斯而已,如斯而已◎孟子 ,不求近效,銖積寸累,受之以虚,將之以勤,植之以剛,貞之以

若曾文正之盡人皆可學焉而至,吾所敢言也,何也?文正所受於天

曰:「人皆可以為堯舜」。堯舜信否盡人皆可學焉而至,吾不敢言,

夾輔 畏友 自 焉 拳拳服膺 横流之會 可 四書六經亦蓋備矣。然義豐詞約往往非末學所驟能領會,且亦童 二有志之士?其亦惟乞靈典册,得片言單義而持守之,以自鞭策 其義 存 以告無罪也明矣◎於是乎不能不日與外境相接, 或 以 以抗 良 , ,自營養 , 則 為 大率偏於收斂而貧於發揚◎夫人生數十寒暑,受其群之蔭以獲 又 無 陳言 , 於其群豈能 非 圉之◎荀卿亦有言:「庸衆駑散,則劫之以師 以異於人也,且人亦孰不欲向上;然生當學絶、道喪、入欲 而日三復 可 ,猶或 而忽不加省也❷近古諸賢闡揚輔導 亟得之於末世Q 不思所 而終身誦焉也回抑先聖之所以扶世教 可 以防杜墮落 報 則夫滔滔者之日趨於下, , 報 之則 而 漸進於高明 必有事焉 、相 之言 , 壓 ,古人所以得 非 構且既思以己之所 , ,益 日 非 逃虚守靜 更奚 甚強毅 友 汗牛 正人心者 · 足怪 而嚴師 充 者 一善則 一而習 棟 其 而 , 自! 即 固 ,

莫不興起」,況相去僅一世,遺澤未斬模楷在望者耶!則兹編也,其 資吾儕當前之受用者,非唐宋以後儒先之言所能逮也◎孟子曰:「 寒素 不過 自立 信易 真全國人之布帛菽粟而斯須不可去身者也」◎ 時之浩劫◎彼其所言,字字皆得之閱歷而切於實際,故其親切有味 伯夷之風者 無以過此 己之心力,不吐、不茹、不靡、不回,卒乃變舉世之風氣,而挽 一於不 數十年。國中之習尚事勢皆不甚相遠,而文正以樸拙之姿 天下,則行且終其身以轉戰於此濁世,若何而後能磨練其身心以 ,飽經患難,丁人心陷溺之極運,終其生於挫折譏妒之林,惟 敗 ◎非有所程式而養之於素,其孰能致者◎曾文正之殁,去今 ,若 ,懦夫有立志。 」又曰:「奮乎百世之上,百世之下聞者 何而後遇事物泛應曲當無所撓枉,天下最大之學問殆 , 起家 聞 恃

丙鼠二月朔新會梁啟超

鈔例

摘鈔,其餘嘉言散見他種遺著者,姑付闕如ⓒ 是編從金陵刻本曾文正全集中書札、家書、家訓 、日 記、文集五種

割裂,但求受用耳〇亦有同此一義,而屢見屢鈔者,以存文正強聒 是編原取自便省覽,故務求簡要◎往往一段之中,僅節數語;不嫌

不舍之真,亦使讀者得時習而悦之益〇

蓋人生天地間,本以奮鬭為生涯, 為軍人寶鑑,固無待言,即非軍人,亦當涵詠其理而善推之於用② 文正居大亂之世,半生治軍〇是編所鈔,言戰事者亦什之一二,其 何時何事,非在戰爭中者②是編

所鈔關於軍事之諸條,吾確信凡任事者,苟能體其意而服膺之,必

終身受用不盡也の

業,皆須與人共事,求友求助,苟善讀此,無往而不自得師也回 故能爾爾。吾儕則無需此◎其實不然,人無論居何地位,執何職 是編所鈔關於觀人用人之諸條,讀者或以為文正秉權勢,居高位

文正於學術文藝,獨得處甚多,垂訓亦至精,今所鈔從略◎

來也回

胡文忠左文襄嘉言附鈔,以見當時賢哲責善憂世,相觀相善, 丙辰正月啟超記 有自

写實:

曾文正公嘉言鈔

之士の物窮則變 今日而言治術,則莫若綜核名實◎今日而言學術,則莫若取篤實踐履 救浮華者莫如質。積翫之後,振之以猛 ,意在斯

乎會復賀

吾輩今日苟有所見,而欲為行遠之計,又可不早具堅車乎哉◎歎劉

耐冷耐苦,耐勞耐閑 ◎ 麓溪

哲盛隆之軌 人材高下,視其志趣◎卑者安流俗庸陋之規,而日趨污下。高者慕往 ,而日即高明^{⑤功甫}

後,忠憤耿耿者 無兵不足深憂,無餉不足痛哭,獨舉目斯世,求一攘利不先,赴義恐 ,不可亟得 ,此其可為浩歎也**◎**麗生

今日百廢莫舉,千瘡並潰,無可收拾◎獨賴此精忠耿耿之寸衷,與斯

天心、

庶幾萬有一補◎不然,但就局勢論之,則滔滔者吾不知其所底也◎與江 民相對於骨嶽血淵之中,冀其塞絶横流之人欲,以挽回厭亂之天心,

外廣延納內持定見

左岷 季樵 高

流赴壑,乃為盡善◎曉岑 集思廣益 ,本非易事。要當內持定見,而六轡在手,外廣延納,而萬 陽

方今民窮財困,吾輩勢不能别有噢咻生息之術,計惟力去害民之人,

以聽吾民之自活而已回無無

帶勇之人,第一要才堪治民,第二要不怕死,第三要不急急名利,第 四要耐受辛苦◎大抵有忠義血性,則四者相從以俱至◎曾香海

以仁以義 古來名將得士卒之心,蓋有在於錢財之外者◎後世將弁,專恃糧 優 , 為 牢籠兵心之具,其本無已淺矣◎是以金多則奮勇蟻附 利盡 重餉

冷落獣散◎噗≒

國藩人世已深,厭閱一種寬厚論說@模稜氣象,養成不黑不白不痛不

之世界, 誤人家國,已非一日◎偶有所觸,則輪囷肝膽,又與掀振

練勇之道 番 0 ,必須營官晝夜從事,乃可漸幾於熟◎如鷄伏卵,如鑪鍊

不黑 次骨の輸品 是不更事 二三十年來,士大夫習於優容苟安,揄修袂而養姁步。倡為一種不白 丹,未宜須臾稍離 ② 生及吾人之自行修養皆適如是 不痛不癢之風〇見有慷慨感激以鳴不平者 , 輕淺而好自見◎國藩昔側六曹,目擊此等風味 ,則相與議其後 、蓋 已痛恨 ,以

爽骯 而仁人君子,固不當責以中庸之道,且當憐其有所激而矯之之苦衷 和同之象,蓋已稔知之而慣嘗之。積不能平,乃變而為慷慨激 國藩從宦有年,飽閱京洛風塵。達官貴人,優容養望 而 髒之一 矯枉過正,或不免流於意氣之偏。以是屢蹈愆尤,叢譏 途 ◎思欲稍易三四十年來不白不黑不痛不癢牢不 ,與在下者軟熟 可破之 取 烈 戾

不然 信

> 愚民無知,於素所未見未聞之事,輒疑其難於上天◎一人告退,百人 蒼蒼者究竟未知何若,吾輩竭力為之,成敗不復計耳◎♂機

也

虹貫荆卿之心 附和。其實並無真知灼見。假令一人稱好,即千人同聲稱好矣◎│號 頑石而棄之。古今同慨,我豈伊殊@屈纍之所以一沉而萬世不復返顧 ,而見者以為淫氛而薄之。碧化萇宏之血,而覽者以為

,良有以也 ◎ 霞仙

肩任艱鉅 時事愈艱,則挽回之道,自須先之以戒懼惕厲,傲兀鬱積之氣,足以 0 然視事太易,亦是一 上 上 上 一 製 製 に 加 山

妍,轉敗為功。善用兵者亦然◎驟□

凡善弈者,每於棋危劫急之時,

面自救,

面破敵〇往往因病成

急於求效,雜以浮情客氣,則或泰山當前而不克見◎以瓦注者巧,以

北然

喜調身心者

吾鄉數

X

,

均

有

薄名

,

尚在

中年,

IE

山

聖

可狂之際

,

惟當兢兢業業

鋭氣 注 一者憚 暗損 , , 以黄金注者昏◎外重而內輕,其為蔽也久矣◎與李 最為兵家所忌○用兵無他謬 巧, 常存有餘不盡之氣

次與青李 日 中 則 昃 , 月盈則虧②故古詩花未全開月未圓之句 ,君 子以為知道の

得大勝 自 軍 ◎或當志得意滿之候,狃於屢勝,將卒矜慢,其後常有意外之 以來 , 每介疑勝疑敗之際 , 戰兢恐懼 ,上下怵惕者 , 其後恒

失 ○ 切境遇皆如此豈惟用兵 與羅伯官 啟超按處一

有 欲學為文,當掃蕩 乃始别有一番文境 区 吳劉霞仙 啟超按此 副舊習〇赤地新立 , 將前此所業 ,蕩然若喪其所

恒 互. 相箴 以 過 相砭 規 , 不特不宜自是,並不宜過於獎許 ○長朋友自是之心 ,以善相養 , 千里同心 ,庶不終為小人之歸。 ,彼此

敬以持躬,恕以待人◎敬則小心翼翼,事無巨細,皆不敢忽◎恕則常

赦然

而

精精道

吾輩 互相 砥礪 , 要當以聲聞過情為切戒回與學 留

餘

地以處人

,功不獨居,過不推議⁶ 舞題

自 不可辭之任 任 古 ,視 大亂 乎權位。有得行,有不得行◎至於維持是非之公,則吾輩皆有 之世 。顧亭林所稱匹夫與有責焉者也會與沈 ,必先變亂是非,然後政治顛倒 ,災害從之0 賞罰之

者獨 心 如 莅事以明字為第一要義◎明有二:日高明,日精明◎同一 抑志 權 衡之審 見其遠 ,則漸實矣 ,以遽趨於平實,頗不易易◎若能事事求精,輕重長短, , 目 0 乘城者獨覺其曠,此高明之說也◎同一 。能實 巧者不如尺度之確 則漸平矣の與吳 ,此精明之説也_© 凡高 物 0 明者 境,而登山 而臆度者 , 欲降 絲

即與之相連〇有二氣之利,而無其害,有道君子 可無悍驚之氣,而驕氣即與之相連◎不可無安詳之氣 ,尚難養得 ,而惰氣 況弁勇

敬字惟無衆寡

、無小大、無敢慢三語,

最無切當◎異山

成,深自悔憾◎異山

心常用則活,不用則窒⑤如泉在地,不鑿汲則不得甘醴。如玉在璞 不切磋則不成令器〇寅節

百户喝蛋有手,益田天下事,當於大處齊艮惟忘機可以消衆機,惟懵懂可以祓不祥② gg 趨時者博無識之喜,損有道之真② @屏

前曾語閣下以取人為善,與人無善〇大抵取諸人者,當在小處實處〇 軍中閱歷有年,益知天下事,當於大處著眼,小處下手◎陸氏但稱先 立乎其大者 ,若不輔以朱子銖積寸累工夫,則下梢全無把握Offu

與人者,當在大處空處回申夫

句。所謂守約也Opt 心治身,理不必太多,知不可太雜〇切身日用得著的,不過一

兩

驕惰未有不敗者,勤字所以醫惰,慎字所以醫驕◎此二字之先,須有 誠字以立之本○與李

大局日壞 ,吾輩不可不竭力支持⊙做一分,算一分。在一日,撑一

日回知外

收之欲其廣,用之欲其慎,大抵有操守而無官氣,多條理而少大言② 本此四者以衡人,思過半矣◎輔堂

觀人之道 其質,則長處亦不足恃 ② 後方 ,以樸實廉介為質◎有其質。而更傅以他長,斯為可貴◎無

凡沉疴在身,而人力可以自為主持者,約有二端:一曰以志帥氣,一 母,雉之有媒,以類相求,以氣相引,庶幾得一 求才之道,須如白圭之治生,如鷹隼之擊物,不得不休◎又如蚨之有 。如貪早睡,則強起以興之。無聊賴,則端坐以凝之◎此以志帥氣 以靜制動◎人之疲憊不振,由於氣弱。而志之強者,氣亦為之稍 而可及其餘◎觸堂

甚安恬 之説 也回 , 須將生前之名 久病虚怯,則時時有一畏死之見,憧擾於胸中,即魂夢亦不 ,身後之事 , 與一 切妄念, 剗除淨 自然有

要訣盡人皆當服膺超按此問疾害也攝 種 恬淡意味◎而寂定之餘,真陽自生,此以靜制動之法也◎尊爾

之,不可弄巧賣智,而所誤更甚◎₹失 吾輩讀書人,大約失之笨拙, 即當自安於拙, 而以勤補之,以慎

勤慎

不弃智巧

平日 非至穩之兵 ,必不可輕用險著◎平日非至正之道, 必不可輕用奇

謀◎宮保

領界亦然 治軍以勤字為先 , 實閱歷而知其不可易〇未有平日不早起 , 而臨 敵

能早起者◎未有平日不習勞 而臨敵忽能忍飢耐寒者◎吾輩當共習勤勞,先之以愧厲,繼之以 , 而臨敵忽能習勞者〇未有平日 不忍飢 耐

痛懲◎海九

閱歷世變,但覺除得人以外,無一事可恃◎₹₺

抵世之所以彌亂者,第一在黑白混淆,第二在君子愈讓,小人愈

妄 ◎ 宮復胡

主氣常靜,客氣常動,客氣先盛而後衰,主氣先微而後壯⑫故善用兵

者,最喜為主,不喜為客◎繁窒

專從危難之際,默審樸拙之人,則幾矣◎狼鄉

信只不說假話耳,然卻極難〇吾輩當從此一字下手,今日說定之話

明日勿因小利害而變◎少差

愛民乃行軍第一義,須日日三令五申,視為性命根本之事,毋視為要

結粉飾之文◎少荃

立 詞氣宜和婉,意思宜肫誠◎不可誤認簡傲為風骨,風骨者,內足自 , 外無所求之謂, 非傲慢之謂也**◎**□□

念怀多说心,君逸之謂也◎行步常勤,筋骨常動,臣勞之謂也◎卷庵 礼佛臣等

以君逸臣勞四字為要◎省思慮,除煩惱,二者皆所以清

養身之道

,

少復

用兵之道,最重自立,不貴求人⊙馭將之道,最貴推誠, 不貴權術の

吾輩位高望重,他人不敢指摘②惟當奉方寸如嚴師, 畏天理如刑罰

庶幾刻刻敬憚⊙少庵

虚則不動客氣 則志專而氣足,千磨百折,而不改其常度,終有順理成章之一日◎心 凡辨一事,必有許多艱難波折〇吾輩總以誠心求之,虚心處之,心誠 ,不挾私見,終可為人共亮◎與程

瑕 不踰,不可因譏議而餒沈毅之氣◎衡人者,但求一長可取, 大抵任事之人,斷不能有譽而無毁,有恩而無怨◎自脩者 而棄有用之材 ,苟於嶢嶢者過事苛責 ,則庸庸者反得倖全[©]欢與 不可因微 但求大閑

盡之道,則當與彼賭乾坤於俄頃,校殿最於錙銖,終不令囊獨勝而吾 事會相薄,變化乘除。吾嘗舉功業之成敗,名譽之優劣,文章之工 , 概 以付之運氣一囊之中,久而彌自信其説之不可易也〇然吾輩自

為 譽群毀之所在,下走常穆然深念,不敢附和◎續鄭 言以分别君 徐徐開悟 不變之小人。今日能知人能曉事 小人 亦謬 誠 非 易辨 不易 ,鄉 ,寅刻公正 學 。以冀和衷O ,似是之非難辨◎竊謂居高位者,以知人曉事 子小人為 原 , 曉事 固繆 ,則可 光 , 在 狷亦 謬 ⑤ 重 以 不 知 要回 明 以閲 不曉事則挾私固謬 , 而鄙論 則為 歷黽勉得之◎曉事則無論同 君 則謂 子 ,則為君子,明日不知人不曉事 , 卯刻偏 天下無 人,則終古相背 ,秉公亦謬 私腌 成不變之君子 曖 即為小人〇故群 。小人固謬 二者為 而 異 無無 馳 己,均 職 , 故 , 君 成 恒 即 可 知

退 國藩 事 不返顧◎海仙 ,以 0 然造端 昔 在 忠義勸 湖南 過大 人, 江 西 , 而 本 , 幾於通國不能 以句且自全,即魂魄猶有餘羞,是以戊午復出 以不顧死 生自命 相容 ,寧當 。六七年間 更問毀譽 , 一以拙 浩 然不 欲復聞世 進 而 以巧

以勤為本,以誠輔之◎勤則雖柔必強,雖愚必明◎誠則金石可穿,鬼

神可格◎態値

地,久久自有功效〇眉生 深◎凡病在根本者 逆億命數,是一薄德◎讀書人犯此弊者最多,聰明而運蹇者,厥弊尤 ,貴於內外交養。養內之道,第一將此心放在太平

堅其志,苦其心,勤其力◎事無大小,必有所成◎㎏፟

若遇棘手之際,請從耐煩二字,痛下工夫◎寳季 養生與力學,皆從有恒做出,故古人以有恒為作聖之基◎㎏煉

局,及糧餉之接續,人才之可繼言之〇萬年 用兵之道 ,最忌勢窮力竭◎力則指將士之精力而言之,勢則指大計大

閣下 事功之成否,人力居其三,天命居其七◎覆疊 此時所處,極人世艱苦之境,宜以寬字自養〇 ,俾身體不就孱弱,志氣不至摧頹,而後從容以求出險之方^⑤
動陳 能勉宅其心於寬泰

外境之迕,未可滯慮,置而遣之,終履夷塗◎舜陳

君子有高世獨立之志,而不予人以易闚,有藐萬乘卻三軍之氣,而未

嘗輕於一發◎少鶴

其不晏起,不撒謊二事◎雖最淺近,而已大有益於身心矣◎增慮 凡道理不可說得太高,太高則近於矯,近於偽◎吾與僚友相勉 ,但求

君子欲有所樹立,必自不妄求人知始〇與張

平日千言萬語,千算萬計,而得失仍只爭臨陣須臾之頃〇宮保 我輩辦事,成敗聽之於天,毀譽聽之於人◎惟在己之規模氣象,則我 危險之際,愛而從之者,或有一二。畏而從之,則無其事也◎與李 可以自主者。亦曰不隨衆人之喜懼為喜懼耳〇日

先哲稱利不什不變法,吾謂人不什不易舊〇條牌 時,須從人情物理中之極粗淺處著眼,莫從深處細處看〇與李 立法不難 ,行法為難◎以後總求實實行之,且常常行之,應事接物

子不恃千萬人之諛頌,而畏一二有識之竊笑◎◊嫉

之日 身體雖有外感,必不至於內傷〇族順 古人患難憂虞之際,正是德業長進之時,其功在於胸懷坦夷 於身體康健◎聖賢之所以為聖,佛家之所以成佛,所爭皆在大難磨折 ,將此心放寬,養得靈,有活潑潑之胸襟,有坦蕩蕩之意境◎則 ,其效在

看長,果能剷除此二字者,亦殊不多也⊙忮求二字,蓋妾婦穿窬 人才非困厄則不能激,非危心深慮則不能達oufe 而有之〇自反既不能免此,亦遂憮然媿懼。不敢道人之短〇中丞 已衰耄,旦夕入地,猶自憾拔除不盡◎因環觀當世之士大夫,及高位 致◎詩稱不忮不求 禍機之發,莫烈於猜忌,此古今之通病,壞國喪家亡人,皆猜忌之所 ,何用不臧○僕自督生平愆咎,不出忮求二字。今

朱子言為學譬如熬肉,先須用猛火煮,然後用慢火温◎予生平功夫

右書札

全未用猛火煮過。雖略有見識,乃是從悟境得來。偶用功亦不過優游

玩索已耳◎如未沸之湯,蘧用慢火,將愈煮愈不熟矣◎

用功譬若掘井◎與其多掘數井而皆不及泉,何若老守一井,力求及

泉,而用之不竭乎 〇

凡專一業之人,必有心得,亦必有疑義◎

不可,諸弟此時,惟有識不可驟幾,有志有恒,則諸弟勉之而已◎ 識則知學問無盡,不敢以一得自足,有恒則斷無不成之事◎三者缺 士人第一要有志,第二要有識,第三要有恒◎有志則不甘為下流,有

宗而見異思遷,此眩彼奪則大不可◎ 凡事皆貴專〇心有所專宗,而博觀他途以擴其識,亦無不可〇無所專

者而我固已厚矣◎古人謂境地須看不如我者,此之謂也◎ 君子之處嗇境,亦兢兢焉常覺天之厚於我, 君子之處順境,兢兢焉常覺天之過厚於我,我當以所餘補人之不足◎ 非果厚也,以為較之尤嗇

凡仁心之發,必一鼓作氣,盡吾力之所能為〇稍有轉念則疑心生私心

亦生,荷道以躬,興之以言 6

誰人可慢?何事可弛?弛事者無成,慢人者反爾◎

德業之不常,日為物牽。爾之再食,曾未聞或愆◎

牢騷太甚者,其後必多抑塞,蓋無故而怨天,則天必不許◎無故而尤 心欲其定,氣欲其定,神欲其定,體欲其定◎

人,則人必不服,感應之理然也◎

功名之地,自古難居。人之好名,誰不如我?我有美名,則人必有受

不美之名者,相形之際,蓋難為情◎

難期有恒◎ 未習勞苦者 由漸而習,則日變月化, 而遷善不知◎若改之太驟,恐

古之成大事者, 接人總宜以真心相向,不可常懷智術以相迎距〇人以偽來,我以誠 規模遠大與綜理密微,二者缺一不 可 0

往,久之則偽者亦共趨於誠矣◎

事 來書謂與會索然,此卻大不可〇凡人作一事,便須全副精神注在此 。首尾不懈,不可見異思遷。做這樣想那樣,坐這山望那 山,人

無恒終身一無所成◎

卻,奄奄無氣,決難成事() 身體雖弱 日 作事愈多, ,卻不宜過於愛惜。精神愈用則愈出, 則夜間臨睡愈快活 ,若存一愛惜精神的意思,將前將 陽氣愈提則愈盛〇每

也 不慌 弟 日 家學壞了◎實則作用萬不如人,徒惹人笑,教人懷憾 吾自信亦篤實人,只為閱歷世途,飽更事變 憂居猛省,一味向平實處用心,將自家篤實的本質 此 不忙,盈科後進,向後必有一 刻在外,亦急須將篤實復還,萬不可走入機巧一路,日趨日下 番回甘滋味出來◎ ,略參些機權作用,把自 1 , , 復我固有◎賢 何益之有〇近

日強制 此 明即起;不慣莊敬, 強毅之氣,決不可無⊙然強毅與剛愎與有别⊙古語云:自勝之謂強 可不察,不可不謹◎ 而 強之勤勞不倦, 求以客氣勝人, ,日強恕,日強為善,皆自勝之義也◎如不慣早起,而強之未 是剛愎而已矣◎二者相似,而其流相去霄壤, 是即強也◎不慣有恒而強之有貞恒,即毅也◎舍 而強之坐尸立齋;不慣勞苦,而強之與士卒同甘 ,

要簡捷回 打仗不慌 不忙,先求穩當,次求變化◎辦事無聲無臭, 既要精到

神,皆至言也回 散◎荀子稱耳不兩聽而聰, 弟此時以營務為重,則不宜常看書◎凡人為一事 目不兩視而明〇莊子稱用志不紛, ;以專 而精 , 以紛而 乃凝於

總須腳踏實地 ,克 勤 小物 , 乃 可日 起而有功の

凶德致敗,莫甚長傲◎傲之凌物,不必定以言語加人,有以神氣凌之

軍中鍊出人才頗多,弟等亦無過人之處,皆不可恃。只宜抑然自下 貌回以 者矣,有以面色凌之者矣⊙中心不可有所恃,心有所恃,則達於面 味言忠信行篤敬,庶可以遮護舊失,整頓新氣,否則人皆厭薄之 門地言,我之物望大減,方且恐為子弟之累回以才識言,近今

矣◎

胸多抑鬱,怨天尤人,不特不可以涉世,亦非所以養德,不特無以養

德,亦非所以保身 ◎

可因境遇偶拂,遽爾摧沮◎ 精神愈用而愈出,不可因身體素弱,過於保惜◎智慧愈苦而愈明,不 聲聞之美,可恃而不可恃◎善始者不必善終,行百里者半九十◎

求人自輔,時時不可忘此意◎

不輕進,不輕退回

一經焦躁,則心緒少佳,辦事必不能妥善◎

生適意之時,不可多得。弟現在頗稱適意,不可錯過時會,當盡心

竭力,做成一箇局面◎

吾因本性倔強,漸近於愎,不知不覺,做出許多不恕之事,説出許多

不恕之話。至今媿恥無已◎

千萬,久而敬之四字,不特處朋友為然,即凡事亦莫不然◎ 日慎一日,以求事之濟。一懷焦憤之念,則恐無成〇千萬忍耐,忍耐

余死生早已置之度外,但求臨死之際,寸心無可悔憾,斯為大幸◎

習勞為辦事之本,引用一班能耐苦之正人,日久自有大效◎

天下古今之庸人,皆以一뼴字致敗〇天下古今之才人,皆以一傲字致 不輕進人,即異日不輕退人之本。不妄親人,即異日不妄疏人之本〇

敗の

義の

欲去驕字,總以不輕非笑人為第一義 欲去惰字,總以不晏起為第

凡辦大事,半由人力,半由天事。吾輩但當盡人力之所能為,而天事

則聽之彼蒼而無所容心〇

凡説話不中事理不擔斤兩者,其下必不服◎

凡事後而悔己之隙,與事後而議人之隙,皆閱歷淺耳〇

凡軍事做一節説一節◎若預説幾層,到後來往往不符◎

辦大事者以多選替手為第一義◎滿意之選不可得,姑節取其次,以待

徐徐教育可也回

沅弟謂雪聲色俱厲, 凡目能見千里而不能自見其睫, 聲音笑貌之拒 ,每苦於不自見,苦於不自知◎雪之厲,雪不自知,沅之聲色,恐

亦未始不厲,特不自知耳◎

每日臨睡之時,默數本日勞心者幾件?勞力者幾件?則知宣勤國事之

處無多,更宜竭誠以圖之〇

從古帝王將相,無人不由自立做出◎即為聖賢者,亦各有自立自強之

故能獨立不懼,確乎不拔◎余往年在京,好與諸有大名大位者為

道

用,不可偏廢©太柔則靠,太剛則折。剛非暴戾之謂也,強矯而已**◎** 亦 (未始無挺然特立不畏強禦之意◎近來見得天地之道,剛柔互

謙退◎ 柔非卑弱之謂也。謙退而已◎趨事赴公,則當強矯,爭名逐利,

則謗 衆 因 ,而悍然不顧,則謗且日騰◎有德者畏疑謗之無因,而抑然自修 口悠悠,初不知其所自起,亦不知其由所止◎有才者忿疑謗之無 亦日熄◎吾願弟等之抑然,不願弟等之悍然也◎

盛時常作衰時想,上場當念下場時。富貴人家,宜牢記此二語〇 古來成大功大名者,除千載一郭汾陽外,恒有多少風波,多少災難 談何容易。願與吾弟兢兢業業,各懷臨深履薄之懼,以冀免於大戾◎

凡危急之時,只有在己者靠得住,其在人者皆不可靠〇恃之以守,恐

軍事呼吸之際,父子兄弟不能相顧,全靠一己耳◎

吾兄弟既誓拼命報國,無論如何勞苦, 如何有 功 ,約定終始不提

其臨危而先亂,恃之以戰,恐其猛進而驟退◎

字,不誇一句,知不知一聽之人,順不順一聽之天而已◎

實做去 吾兄弟報國之道,總求實浮於名,勞浮於賞,才浮於事◎從此三句切 凡行兵須蓄不竭之氣,留有餘之力◎ ,或者免於大戾 〇

軀 儒之道不同,而其節制血氣,未嘗不同。總不使吾之嗜欲,戕害吾之 強二字做出◎吾兄弟好處正在倔強,若能去忿慾以養體,存倔強以勵 抑 也⑤多少英雄豪傑,打此兩關不破,亦不僅余與弟為然。要在稍稍遏 強自禁制 中 命 ,不令過熾⊙古聖所謂懲慾,即降龍也,所謂懲忿 而已◎至於倔強二字,卻不可少。功業文章,皆須有此二字貫注 否則柔靡不能成一事◎孟子所謂至剛, ,降伏此心◎釋氏謂之降龍伏虎,龍即相火也, 孔 子所謂貞 ,即伏虎也◎釋 固,皆從倔 虎即肝氣

志,則日進無疆矣◎

自古聖賢豪傑,文人才士,其志事不同,而其豁達光明之胸,大略相 同◎吾輩既辦軍務,係處功利場中,宜刻刻勤勞,如農之力穡,如 賈

須有一段沖融氣象,二者並進,則勤勞而以恬淡出之,最有意味◎ 之趨利 ,如篙工之上灘,早作夜思,以求有濟◎而治事之外,此中卻

舍命報國,側身修行 ②

吾輩所最宜畏懼敬慎者 ,第一則以方寸為嚴師,其次則左右近習之

人,又其次乃畏清議◎

擔當大事全在明強二字,中庸學問思辨行五者,其要歸於愚必明柔必

強◎

無形之功 ,不必騰諸口説,此是謙字之真工夫◎所謂君子之不可及

在人之所不見也〇

強字原是美德,余前寄信,亦謂明強二字,斷不可少◎第強字須從明

至理 字做出,然後始終不可屈撓。若全不明白,一味横蠻,待他人折之以 ,證之以後效,又復俯首輸服。則前強而後弱,京師所謂瞎鬧者

也回

君子大過人處,只是虚心〇

大凡辦一事,其中常有曲折交互之處,一處不通,則處處皆窒矣◎

古來大戰爭大事業,人謀僅占十分之三,天意恒居十分之七◎往往積 勞之人,非即成名之人;成名之人,非即享福之人◎吾兄弟但從積勞 二字上著力,成名二字,則不必問及;享福二字,更不必問及矣◎

儉以養廉, 直而能忍 ②

用人極難,聽言亦殊不易。全賴見多識廣,熟思審處,方寸中有一定

之權衡◎

吾屢教家人崇儉習勞,蓋艱苦則筋骨漸強,嬌養則精力愈弱也◎ 富貴功名,皆人世浮樂;惟胸次浩大,是真正受用◎

既奢之後,而返之於儉,若登天然〇

小心安命,埋頭任事の

為力 斷腕 苦過甚 不如意之事機,不入耳之言語,紛至迭乘◎余尚愠鬱成疾,況弟之勞 ,所以全生也◎吾兄弟欲全其生,亦當視惱怒如蝮蛇,去之不可 必須將萬事看空,毋惱毋怒,乃可漸漸減輕♀蝮蛇螫手,壯士 ,百倍於阿兄,心血久虧,數倍於阿兄者乎!弟病非藥餌所能

不勇◎

弟信於毀譽禍福置之度外,此是根本第一層功夫◎此處有定力,到處

皆坦途矣◎

天下之事理人才,為吾輩所不深知不及料者多矣回切勿存一自是之

見⑥

其能強到底與否,尚未可知,即使終身強横安穩,亦君子所不屑道 吾輩在自修處求強則可,在勝人處求強則不可◎若專在勝人處求 強

不好 湖口 己全無本領 可行 兄自問近年得力,惟有一悔字訣〇兄昔年自負本領甚大,可屈 長沙所唾罵 平齩牙立志之訣◎余庚戌辛亥間,為京師權貴所唾罵。癸 困心横慮 味忍耐 之敗 以前 可 ,便不似好漢聲口。 藏 ,蓋打脱牙之時多矣,無一次不和血吞之◎弟來信每怪運氣 , , ,又每見得人家不是。自從丁巳戊午大悔大悟之後 ,徐圖自強 迴不相同,大約以能立能達為體,以不怨不尤為用, 正是磨鍊英雄 ,凡事都見得人家有幾分是處◎故自戊午至今九載 ,乙卯丙 辰 ◎因引諺曰:好漢打脱牙和血吞◎此二語是余生 。為江西所 惟有一字不説 ,玉汝於成◎李申夫嘗謂余慪氣從不説 唾罵 ,

較定

牙根 。以及岳州之敗 ,徐 圖自強而已 ,靖江之敗 丑 一甲寅 ,乃知自 可伸 , 立者 與四 ,為 出 0 ,

袁了凡所謂從前種種譬如昨日死,從後種種譬如今日生〇另起爐竈

發奮自強

,站得住也,達者辦事圓融,行得通也○

諺云:「吃一塹,長一智◎」吾生平長進,全在受挫受辱之時,務須 重開世界。安知此兩番之大敗,非天之磨鍊英雄,使弟大有長進乎@

弟當此百端拂逆之時,亦只有逆來順受之法,仍不外悔字訣硬字訣而 **齩牙勵志,蓄其氣而長其智,切不可恭然自餒也**◎

t

△右家書

叔向最贏弱,近日從軍,反得壯健,亦其證也◎ 處多難之世,若能風霜磨鍊,苦心勞神,自足堅筋骨而長見識◎沅甫

成, 少,事無分難易,但行之有恒,自如種樹養畜,日見其大而不覺耳〇 居家之道,惟崇儉可以長久,處亂世尤以戒奢侈為要義回 人生惟有常是第一美德〇余早年於作字一道,亦嘗苦思力索,終無所 近 日 朝朝摹寫,久不間斷,遂覺月異而歲不同◎可見年無分老

人之氣質,由於天生,本難改變。欲求變之之法,總須先立堅卓之

祖師訓詞

也,古稱金丹換骨,余謂立志即丹也〇 近五年深以為戒,現在大小事均尚有恒 十一月二十一日立志戒烟,至今不再吃◎四十六歲以前 。即此二端 ,可見無事 ,作 事無 不可變 恒11

志

0

即

以余生平言之:三十歲前

,最

好吃烟,片刻不離

0

至道光壬寅

顧體 恥 不料袁婿遽爾學壞至此,然爾等待之,卻不宜過露痕蹟〇人之所以稍 ,拚棄不顧,甘與正人為仇,而以後不可救藥矣◎ 面者 ,冀人之重也。若人之傲惰鄙棄業已露出 ,則索性蕩然無

凡文有氣則有勢,有識則有度,有情則有韻,有趣則有味〇 凡詩文欲求雄奇矯變,總須用意有超群離俗之想,乃能脱去恒蹊◎

之世〇所以教家者至精,爾兄弟宜各覓一 **顔黄門之推顔氏家訓,作於亂離之世,張文端英聰訓齋語,** 册,常常閱習◎ 作於承平

凡言兼衆長者,必其一無所長者也◎

凡事皆用困知勉行工夫,不可求名太驟,求效太捷也◎爾以後每日宜

三五

日

不

特習字,凡事皆有極困極難之時,

0

羽ちまし 斷 疾 習柳字百箇,單日以生紙臨之,雙日以油紙摹之。臨帖宜徐,摹 , 熬過 數月之後 此關 , , 手愈拙,字愈醜 便可少進〇再進再困 , 意興愈低 , 再熬再奮 打得通的便是好漢 , 所謂 0 困也 自 有 の困時 亨 通精進之 切莫間 帖宜

所 爾憚於文 利 而 成者居其半,有所激有所逼而成者居其半〇 , 正 可借此逼出幾篇 。天下事無所為而成者極 少,有所貪有

懷皆 欲造 未能掃除淨盡,爾等欲心地乾淨,宜於此二者痛下工夫,附作忮求詩 立品 也 余 重 生 ◎求者貪利貪名 是 先 福 ◎忮者嫉賢害能,妒功爭寵◎所謂怠者不能修忌者畏人修之類是 平略涉儒先之書, 荆 去求心の所謂人能充無穿窬之心而義不可勝用也の忮不 棘 先 去忮心◎所謂 ; 求 不去 , 「,滿腔 懷土懷惠 見聖賢育人修身,千言萬語 人能充 日 即卑污〇余於此 , 所謂未得患得既得患失之類是也**◎**將 無欲害人之心 而仁不 者 ,常加 , 而 可勝用 要以 克治 不忮 也◎將欲 去,滿 不求

一首錄左:

不和

曾不 家家獲吉祥 重者 高 聞灾或欣幸 忌人後嗣裕;爭名日夜奔 勢位苟相敵 善莫大於恕 己塞忌 明鬼所顧 失寸步回終身祝 疢 汝躬 人遇 ,我亦無恐怖◎哮 , , , 0 , , 輕亦減汝祚 天道常好還 聞禍或悦豫 德莫兇於妒[©] 畏偪又相惡 己若無事功,忌人得成務;己若無黨援 人善 , , , 0 , ;己無好聞望 曾不損尺布◎消除嫉妒心,普天零甘露◎ 我今告後生 嫉 爭利東西騖 妒者妾婦行 問渠何以然?不自知其故 人還自誤 , , 。但期一身榮 , 0 忌人文名著 悚然大覺悟⑥終身讓 瑣瑣奚比數 幽 明叢詬忌, 0 ,不惜他人污 ,忌人得多助 , 乖氣相 己無賢子孫 爾室神來格 拙忌人能 人道 迴互 0

芬馨比椒蘭 居 知足天 困常求 地寬 泰 0 , 貪得宇宙隘○ 豈無過人姿 磐固方泰岱 富求千乘車 。求榮不知饜 , 貴求萬釘帶 , , 0 志亢神愈忕 多欲為患害の 未得求速償 0 , 歲懊有時寒 既得求勿壞 在約每 思豐

0

片言動 月 俯仰有餘快 乾坤一何大。安榮無遽欣 窮多過我 明 有時晦。時來多善緣 招尤 0 , , 俟命堪終古, 我窮猶 舉足便有礙 可耐 ,患難無遽憝。君看十人中,八九無倚賴 ,運去生灾怪。諸福不可期,百殃紛來會。 0 0 曾不願乎外の病 戚 而況處夷塗 戚抱殷憂 , , 精 奚事生嗟愾。於世少取求 爽日凋瘵 0 矯首望八荒

△日課四條同治十年金陵節署中日記

實用其力以為善去惡,則謂之自欺⑤方寸之自欺與否,蓋他人所不及 一日慎獨則心安〇 之方の 疚 知 而 則 可 已。獨知之,故大學之誠意章,兩言慎獨 以對天地質鬼神 天君泰然,此心常快足寬平,是人生第一自強之道,第一尋樂 自修之道,莫難於養心〇心既知有善有惡而不能 ,斷無行有不慊於心則餒之時◎人無一 。……能慎獨則內省 內塊之

二日主敬則身強の

敬之一字,孔門持以教人,至程朱則千言萬語

三八

強矣。若人無衆寡,事無大小,一一恭敬,不敢懈慢,則身體之強, 時 敬 不離此旨……吾謂敬字切近之效,尤在能固人肌膚之會筋骸之束。莊 ,戰陣危急之際,亦不覺神為之悚,氣為之振,斯足知敬能使人身 日強安肆日偷,皆自然之徵應。雖有衰年病軀,一遇壇廟祭獻之

又何疑乎回

三日求仁則人悦〇 覺後覺之責。若但知自了而不知教養庶彙,是於天之所以厚我者辜負 甚矣◎…… 居人上,則有拯民溺救民飢之責。讀書學古,粗知大義,即有覺後知 知仁民愛物,是於大本一源之道,已悖而失之矣。至於尊官厚祿,高 我與民物,其大本乃同於一源◎若但知私己而不

與一日所行之事所用之力相稱,則旁人韙之,鬼神許之,以為彼自食 日習勞則神欽◎ 凡人之情,莫不好逸而惡勞,無論貴賤智愚老 皆貪於逸而憚於勞,古今之所同也。人一日所著之衣所進之食,

三九

凍就斃◎……是以君子欲為人神所憑依,莫大於習勞也◎ 無不見用於人見稱於時②其絶無材技不慣作勞苦者,皆唾棄於時,飢 墨翟之行 夜 其力也〇……古之聖君賢相,若湯之昧旦丕顯,文王日昃不遑,周公 頂放踵, 己溺,一夫不獲,引為余辜。大禹之周乘四載,過門不入,墨子之摩 知勉行 考,逸則夭亡。歷歷不爽◎為一身計,則必操習技藝,磨練筋骨, 以繼 日坐以待旦,蓋無時不以勤勞自厲◎無逸一篇,推之於勤則壽 , 以利天下,皆極儉以奉身,而 ,以其勤勞也◎軍興以來,每見人有一材一 操心危慮,而後可以增智慧而長才識◎為天下計 極勤以救民 。故荀子好稱大禹 技能耐艱苦者 , 則必己飢 困

右家訓

記云:「君子莊敬日強」,我日日安肆,日日衰薾,欲其強得乎〇 精神要常令有餘於事,則氣充之而不散漫〇 凡事之須逐日檢點者 ,一日姑待 ,後來補救難矣◎

知己之過失,即自為承認之地〇改去毫無吝惜之心,此最難事〇豪傑

之所以為豪傑,聖賢之所以為聖賢,全是此等處磊落過人〇

不為聖賢,便為禽獸;莫問收穫,但問耕耘〇

盜虚名者有不測之禍,負隱慝者有不測之禍,懷忮心者有不測之禍○

天道惡巧,天道惡盈,天道惡貳;貳者,多猜疑也,不忠誠也,無恒

心也回

天下無易境,天下無難境;終身有樂處,終身有憂處

取人為善,與人為善;樂以終身,憂以終身

天下斷無易處之境遇,人間那有空閒的光陰〇

天下事一一責報,則必有大失望之時©

用兵最戒驕氣惰氣;作人之道,亦惟驕惰二字,誤事最甚回 天下事未有不從艱苦中得來,而可久可大者也

易曰:「勞謙君子有終吉」◎勞謙二字,受用無窮。勞所以戒惰也,

謙所以戒傲也◎有此二者,何惡不去,何善不臻◎

與人為善取人為善之道,如大河水盛,足以浸灌小河,小河水盛,亦 足以浸灌大河〇無論為上為下為師為弟為長為幼,彼此以善相浸灌

則日見其益而不自知矣〇

如是 變之多而吾所辦者少,則不敢以功名自矜,而當思舉賢而共圖之〇夫 之多而吾所見者寡,則不敢以一得自喜,而當思擇善而約守之〇知事 地之大而吾所居者小,則遇榮利爭奪之境,當退讓以守其雌◎知學問 知天下之長而吾所歷者短,則遇憂患横逆之來,當少忍以待其定◎知 天下凡物加倍磨治,皆能變換本質,别生精彩,況人之於學乎〇 ,則自私自滿之見可漸漸蠲除矣◎

就吾之所見,多教數人,取人之所長,還攻吾短◎

百種弊病,皆從嬾生◎嬾則弛緩,弛緩則治人不嚴,而趣功不敏◎一

處遲則百處懈矣回

勤勞而後憩息,一樂也◎至淡以消忮心,二樂也◎讀書聲出金石,三

樂也◎

問才智,適足以欺世盜名◎ 凡喜譽惡毀之心,即鄙夫患得患夫之心也◎於此關打不破,則一切學

信,作事必不能成,戒之〇 言物行恒,誠身之道也,萬化基於此矣◎余病根在無恒,故家內瑣 ·,今日立條例,明日仍散漫。下人無常規可循,將來蒞衆必不能

成膏粱安逸之身,他日何以肩得大事◎ 孫高陽·史道鄰,皆極耐得苦,故能艱難馳驅,為一代之偉人@今已養

自戒潮烟以來,心神彷徨,幾若無主。遏欲之難,類如此矣!不挾破

釜沉舟之勢,詎有濟哉◎

欲順從,設法以誅鋤異己者,權奸之行徑也◎聽其拂逆,而動心忍 古人辦事掣肘之處,拂逆之端,世世有之,人人不免②惡其拂逆而必

委曲求全, 且以無敵國外患而亡為慮者 聖賢之用心也○借人之

拂逆,以磨厲我之德性,其庶幾乎O

為政之道,得人治事二者並重〇得人不外四事:廣收、 扶危救難之英雄,以心力勞苦為第一義の 慎用、勤教

嚴繩⊙治事不外四端:日經分、綸合、詳思、約守⊙

每日須以精心果力,獨造幽奧,直湊單微, 以求進境◎一日無進境

則日日漸退矣〇

於清早單開本日應了之事,本日必了之回

與胡中函商江南之事,胡言凡事皆須精神貫注,心有二用,則必不能 有成◎余亦言軍事不日進則日退,二人互許為知言◎

右日記

獨也者,君子與小人共焉者也〇小人以其為獨而生一念之妄 肆 , 而欺人之事成○君子懍其為獨而生一念之誠, 積誠為慎, 積妄生 而自嫌

之功 地,慎之又慎◎論獨 所謂欺也◎惟夫君子者,懼一善之不力 不善當前 則 密◎彼小人者,一善當前,幸人之莫我察也,則趨焉而不決,一 涓涓者無已時◎屋漏而懍如帝天,方寸而堅如金石;獨知之 ,幸人之莫或伺也,則去之而不力◎幽獨之中,情偽斯 ,則冥冥墮行;一不善之不 出

為口說而播為聲氣。而衆人者,勢不能不聽命而蒸為習尚,極見得到。此深 俗同②世教既衰,所謂一二人者不盡在位,彼其心之所嚮 也◎先王之治天下,使賢者皆當路在勢,其風民也皆以義,故道一而 衆人與之赴利。衆人所趨,勢之所歸,雖有大力,莫之敢逆。故曰: 皆是也。有一二賢且智者,則衆人君之而受命焉。尤智者、所君尤衆 風俗之厚薄奚自乎?自乎一二人心之所嚮而已◎民之生,庸弱者戢戢 撓萬物者莫疾乎風」◎風俗之於人之心,始乎微而終乎不可禦者 ◎此一二人者之心向義 ,則衆人與之赴義;一二人者之心向利, 則

火就 萬一有收其效者乎,非所逆睹已⑤數千年來不多見之名文也⑥公於窮時達時。皆能以心力萬一有收其效者乎,非所逆睹已⑥颇才〇按此篇公之少作也。深明社會變遷之原理。我國 之,則將慎擇與共天位之人;士大夫得吾説而存之,則將惴惴乎謹其 心之所嚮,恐一不當,而壞風俗而賊人才◎循是為之,數十年之後 之地者然也,凡一命以上,皆與有責焉者也@有國家者得吾説 拔百人中之尤者而材之。然則轉移習俗而陶鑄一世之人,非特處高明 以移十人者,必能拔十人中之尤者而材之;其智足以移百人者,必能 亦死仁義而不顧◎有以功利倡者,其徒黨亦死功利而不返◎水流濕 者之言。於是乎徒黨蔚起,而一時之人才出焉◎有以仁義倡者,其徒黨 人,而翻謝日無才,謂之不誣可乎 O 十室之邑,有好義之士,其智足 彼自尸於高明之地 燥 , 無感不讐,所從來久矣⊙今之君子之在勢者 ,不克以己之所嚮轉移習俗,而陶鑄一世之 ,輒 日天 而存

謂不負其言矣◎

無出 待學易 不移之志,中有勇猛精進之心,末有堅貞永固之力〇團略序正 友 王之道不明,士大夫相與為一切苟且之行,往往陷於大戾,而僚友 片言 而隱忍和同,長人之惡,是又諧臣媚子之亞也◎海學貴初有決定 ,展轉蓋藏 以寡過,而今日無過欺人乎?自欺乎回自知有過,而因護 相質确者 ,至蹈滔天之姦而不悔,斯則小人之不 ,而其 人自視恬然 ,可幸無過 ,且以仲尼之賢 可近者已 一。為 二時 ,猶

也◎南歸序 凡物之驟為之而遽成焉者,其器小也②物之一覽而易盡者,其中無有

後進 君子赴勢甚 ;銖而積,寸而累◎及其成熟,則聖人之徒也◎↳ 鈍 ,取道甚迂;德不苟成,業不苟名;艱難錯迕,遲

術,荼蘗堅其筋骨。是故安而思危,樂而不荒◎講集詩序 賢達之起 ,其初類有非常之撼頓。 顛蹶戰兢, 僅而得全◎疢疾生其德

古君子多塗,未有不自不干人始者也◎小人亦多塗,未有不自干人始

四七

者也◎壽序

能儉約者不求人〇月

天可補 雖有 , 海 大智神勇,莫可誰何◎光陰之遷流如此其可畏也,人固可自 可填,南 山 可移,日月既往不可復追◎其過如駟 其去如

暇逸哉◎壽序

則子弟相習於矩矱◎倡而為風,效而成俗,匪一身之為利害也 人固視乎所習◎朝有媕阿之老,則群下相習於詭隨◎家有骨鯁之長 ●母壽序

其始瞳焉無所知識,未幾而騁耆欲 耳◎中材者,導之東而東,導之西而西;習於善而善,習於惡而惡◎ 天之生斯人也,上智者不常,下愚者亦不常,擾擾萬衆,大率皆中材 ,逐衆好 , 漸長漸貫 而成自然 の由

之若 而莫之能禦回院記書 一二人以達於通都,漸流漸廣而成風俗②風之為物,控之若無有,魷 易靡 。及其既成 ,發大木,拔大屋,一動而萬里應,窮天人之力

造次忘艱苦之境,尤不敢狃於所習 安樂之時,不復好聞危苦之言,人情大抵然歟〇君子之存心也,不敢 ,自謂無虞◎ 師昭忠祠記

君子之首 君子之道 世多 數君子所以皷舞群倫,歷九載而戡大亂,非拙且誠者之效歟の淵鄉 絲粟之力以拯天下○得忠誠者起而矯之,克己而愛人,去偽而崇拙 姦偽相吞,變詐相角,自圖其安而予人以至危,畏艱避害,曾不肯捐 悸◎由是衆人效其所為,亦皆以苟活為羞,以避事為恥◎嗚呼!吾鄉 躬履諸艱 氣節者,亦一二賢者倡之,漸乃成為風會,不盡國家養士之厚薄也◎ 疑明代誅鋤搢紳 , 莫大乎以忠誠為天下倡 © 世之亂也,上下縱於亡等之欲 ,而 不責人以同患。浩然捐生,如遠遊之還鄉 , 而怪後來氣節之盛 ,以為養士實厚使然**○**余謂 , 而 無 所顧

也回差表 凡 菜茹手植而手擷者,其味彌甘〇凡物親歷艱苦而得者,食之彌安

公手札後

四九

道微 哉!勢窮計迫,義不返顧,效死而已矣。其濟天也,不濟於吾心無憾 焉耳〇 安人墓誌銘 東岱雲妻易 濟尼之, 其果不濟 ,俗薄。舉世方尚中庸之説。聞激烈之行,則訾其過中,或以罔 ,則大快奸者之口,夫忠臣孝子,豈必一一求有

胡文忠公嘉言鈔

答之以謀而觀其識♥告之以禍而觀其勇♥臨之以利而觀其廉♥期之以

事而觀其信◎知人任人,不外是矣◎

惟誠信之至,可以救欺詐之窮⊙欺一事不能欺之事事,欺一時不能欺 之後時。不可不防其欺,不可因欺而灰心於所辦之事, 所謂貞固足以

幹事也回

人心思亂,不自今日始,亦不自今日止◎除日日練兵,人人講武,别

無補救之方。練一日得一日之力,練一人得一人之力〇

心志不苦,患難未嘗,則智慧鈍而膽力怯⊙

塵埃之中,何地無才,何才不可策用〇

如何,用其所長,棄其所短回 用紳士總在平日接見時,專心致志,詳為談論,講究一切〇察其為人

軍旅之際,非以身先之勞之,事必無補⊙古今名將,不僅才略異衆, 亦且精力過人回

吾輩均是好漢,未必能擔當艱鉅。而當此艱鉅,即欲辭避,亦有所不

能回

得一正士,可抵十萬金⊙天下事所以敗壞,則正氣不伸而偽士得志

也回

有不可戰之將,無不可戰之兵。有可勝不可敗之將,無必勝必不勝之

兵0

夫戰 智慮生於精神,精神生於安靜◎

,勇氣也◎當以節宣蓄養提振為要◎又陰事也,當以固塞堅忍蟄

伏為事○後懲創之言也

亂天 下者,不在盜賊,而在無人才〇人才不出,以居人上者不知求

耳回

人才隨取才者之分量而生,亦視用才者之輕重而至O

求賢如相馬◎今使萬馬為群,中有千里馬而人不識, 即識之矣,狃於

駑駘之便安,則千里馬亦且自悲◎

大心は

狷是節。有氣節則本根已植,長短高下,均無不宜也〇 聖賢不可必得,必以志氣節操為主○孔孟之訓,注意狂狷。 狂是氣

德必不孤 ,德亦必不可孤⊙

欲救全人 , 須使之先有忌憚之心の

吾儒任事,祇盡吾義分之所能為,以求衷諸理之至是,不必故拂乎人

定人才◎兵可挫, ,總須志氣勝人,乃有長進◎成敗原難逆料,不足以 氣不可挫;氣可偶挫,而志終不可挫の

軍事 大抵兵事,另有一種人物◎文而近史,武而近俠,皆非能兵者◎ 之要 ,必有所忌,乃能有所濟;必有所舍,乃能有所全**②**

將以氣為主,以志為帥◎專尚馴謹之人,則久而必惰;專求悍鷙之 而目先逃,而心先搗〇平時一一稟承令唯謹 ,則久而必驕◎兵事畢竟歸於豪傑一流,氣不盛者遇事而氣先懾 ,臨大難而中無主,其識

力 既鈍 , 其膽力必減, 固可憂之大矣○

偉俊矣 夫人才因求者之志識 也,所媿在此,所懼在此〇 千里馬而不識,識矣而不能勝其力,則且樂駑駘之便安,而斥騏驥之 ◎朱子云:「是真虎 而生,亦由用才者之分量而出◎用人如用馬,得 , 必有風 」 , 然則虎不嘯 , 非風之不從

愛人之道,以嚴為主,寬則心弛而氣浮⊙

舉人而能不破格,破格則須循名核實,否則人即無言而我心先媿矣〇

避嫌怨者未必得,不避嫌怨者未必失〇

凡奇謀至計,總在平實處回如布帛菽粟之類,愈近淺易,愈廣大而精

微也〇

輩,使得以巧飾取容,真意不存,則成敗利鈍之間,顧忌太多,而趨 者剛而無虚 天下強兵在將〇上將之道,嚴明果斷〇以浩氣舉事, ,樸而不欺,好勇而能知大義,要未可誤於矜驕虚浮之 一片純誠の其次

避愈熟,必至敗乃公事⊙

修行并馬兵士如學生功課,不進則退,不戰則並不能守〇

久逸則筋脈皆弛,心膽亦怯⊙

修行亦写軍旅之事 ,能腳踏實地,便是奇謀**◎**

財用如人身之精血,古人以四海困窮為戒,良有深旨◎蓋財用竭則如

天下無生而知兵之人,在思其情理與機勢耳 0

吾輩不必世故太深,天下惟世故深誤國事耳〇陰陽怕懵懂,不必計及

切 ,放膽放手大踏步,乃可救人◎

作官得民心,作將必得兵心〇平時刻厲,人軍亦必堅苦〇

用所長以救所短,不必舍所長而用所短回

不包攬 不把握 ,任人任主,則兵不能擇,餉不能節, 卻又必乏財

矣 文正初任江督凡百為謙

時艱事急 ,當各盡其心力所能,不必才之果異於人,事之果期於成

也

遇事每謀每斷,不謀不斷,亦終必亡,與其坐亡,不如謀之◎

而先失其大者の是戰守之機,處處為備,必致處處無備の 凡人保身之法,只護心腎緊要之處〇尺寸之膚必顧,將有不能兼愛, 進即守兵不動

人皆熙熙如登春臺,我輩惟職思其憂耳〇

不苦撑,不咬牙,終無安枕之日〇

是非不明,節義不講,此天下所以亂也回

進也◎危乎微乎,宮中府中之事,大抵以此為消長否泰之關◎ 天下惟左右近習,不可不慎〇左右近習無正人,即良友直言,亦不能

近事非從吏治人心痛下工夫,滌腸盪胃,必難挽回〇正語文

辨大事以集才集氣集勢為要,莊子所謂而後乃今培風也◎

天下大亂,人懷苟且之心,事出範圍之外回當謹守準繩 互相勸規

不可互相獎飾包荒②正語文

守兵不動,久亦並不能守;戰兵不戰,久亦並不能戰○其心散,其志 須半時半日,則精力即足◎若一日二日不做工夫,或經月經年不求精 其力隳也〇譬之寫字讀書 ,進得脩業,非猛進,即乍退〇游息只

進,未有不懈不荒者©彼文字尚然,況用力之事乎⑦

五六

亦想佛

兵事必無萬全之策,謀萬全者,必無一全◎凡人總要憂勤,千般苦楚,均要人肯吃◎

到五六分,便須放膽放手() 古今戰陣之事 ,其成事皆天也。其敗事皆人也◎兵事怕不得許多,算

南野陽州 以做百姓之心做官,以治私事之心治官事〇

危機,一朝失足,則將以薰蕕為同臭,而無解於正士之譏評◎歎季 須知時事艱難 吾是破甑之人,避怨之事,向不屑為,即舞陽侯所謂巵酒安足辭也◎ 其人而得不死 大抵吾儒任事,與正人同死,死亦得附於正氣之列,是為正命◎附非 , 吾輩 所做之事 ,亦為千古之玷,況又不能不死耶◎處世無遠慮,必陷 ,皆是與氣數相爭;然成敗之數,盈虚

八难之一

挾智術以用世,殊不知世間並無愚人 ◎ 與左

之數,有天命焉,非憂思即能稍減也②

左文襄公嘉言鈔

始見◎斷不可以古人之書,與自己處事接物為兩事◎與爲 是如何?我自己任性為之,又當如何《然後自己過錯始見,古人道理 己處事接物時,又細心將古人比擬,設若古人當此,其措置之法,當 須細看古人處一事,接一物,是如何思量,如何氣象◎及自

能克己者 ,必能克敵。功名之著,抑其末也〇八八年

則 譽人而令人不敢承,亦非慎言之道,願毋然也○□ 天下紛紛,吾曹適丁其厄@武鄉不云乎:「成敗利鈍,非所逆覩」@ 亦惟殫其心力,盡力職守,靜以待之而已◎舞

成,磨鍊而後出者,舉遭屈抑矣⊙只要其人天良未盡汩没,便可有 中才全在策厲,當人才極乏之時,再不寬以錄之,則凡需激厲而後

厨丁作食,殽果都是此種,而味之旨否分焉 用 ○吾察人頗嚴,用人頗緩,信人頗篤,此中自謂稍有分寸也○□

勿窮其所短 凡用人用其朝氣,用其所長,常令其喜悦,忠告善道,知意向所在 , 迫 以所不能 ,則得才之用矣OLL 。解此便可知用人之道の

山而 用乎?」集十人於此,則必有一人稍長者,吾令其為九人之魁,則此 得 宜,炮之炙之,而各得其性之正。則專用雜用,均無不可⑤否則必之 見今風氣 人各有才,才各有用〇嘗試譬之草皆藥也,能嘗之試之, , 求榛 吾 ,必無異詞矣 曰:「君水陸萬餘人矣, ,必之隰而求苓,烏乎可?且烏乎能也②曾滌生嘗歎人才難 ,外愈謙而內愈偽。弟所深恨,此等圭角,何可不露o^{密夏} 。推之百人千人莫不皆然也◎與明 而謂無人。然則此萬餘人者,皆無 而碻其性

非知人不能善其任,非善任不能謂之知人〇非開誠心布公道,不能得 人之心,非獎其長護其短,不能盡人之力〇非用人之朝氣,不能盡人

之才◎非令其優劣得所,不能盡人之用◎♬

學業才識,不日進則日退回須隨時隨事留心著力為要回事無大小,均 養氣未深 ,終是打小仗手段 。連聲之雷不震 ,食鼠之貓不威^{〇潤之}

腐」◎昔人事業到手,即能處措裕如,均由平常留心體驗, 有一當然之理。即事窮理,何處非學♥昔人云:「此心如水,不流 能明其 即

凡事過於求好,轉多不妥之處回與楊 理,習於其事所致〇未有當前遇事放過,而日後有成者也〇與屬

不能 凡將將領 ,而必強人以就我◎昔人云:「位居千萬人之上,心須居千 , 須先得其心,不必以權勢相壓

〇當統帥不患無權勢,患在

萬人之下」,此有道之言也の鬼屬

天下事當以天下心出之,不宜以私慧小智示人不廣〇百泉

盡 若有見聞者 下濟 願 同 悉發菩提 嚴佛淨 此一 生極樂國 報 以 三塗苦 四重恩 此 報身 功德 心

> 曾 文 正 公 嘉 言 鈔

蓮因寺大專學生齋戒學會恭印 民國八十四年觀世音菩薩成道紀念日 南投縣水里鄉頂崁村圳頭巷十五之一號

緣

結 品



